

四庫全書

集部

欽定四庫全書

集部

弇州四部稿卷二十九

三十一

詳校官侍讀學士臣陸伯煇

中書臣劉源溥覆勘

總校官原任中允臣王燕緒

校對官檢討臣盧應

謄錄監生臣趙立福

欽定四庫全書

弇州四部稿卷二十九

明 王世貞 撰

詩部

五言律一百二十首

冬日憩舟嘉樹林小飲

仲冬好風日故山嘉樹林信履觸幽賞改席就清陰青
蔥冒霜草啁晰先候禽人生貴所適毋為懸別心

答魏允中

郵函旦夕至似汝尺書無眼欲空三輔心仍折五湖何
人充駿骨念我報驪珠好去連城在秋風看過都

問華起龍工部

生今杜門愛春草故人踈罷讀考工記俱稱行秘書毋
云計左矣吾亦賦歸歟見說君山色蕭條宦興如

即事呈邢邵二醫

春朝視膳罷次第檢方書薄宦人皆有窮愁老自如枕

移啼鳥後杯到落花初況是談詩懶無勞客起予

其二

麥雨冷將熱庭花朝自昏漁樵初入耳鳥雀已窺門不
論宦情薄祇言醫道尊年來秣田歎為爾罄芳樽

答王禮部言卿

禮樂逢昭代文章屬盛年名從赤縣得官向紫微遷倚
玉憐余弟投珠念汝賢春卿古芳署應許和歌傳

璩敏仲見訪作

詞客不寂寞到來令坐驚今朝下懸榻強半為瓌生笑
語縱橫進圖書次第評此中殊有味何必傍時名

予分部吳興日圓上人住弁山了不相聞既遷晉
臬歸里請告未遂上人忽錫杖肩笠以一詩見投
且致郡人之思談禪竟日倏爾告往遂成二章送
之

抱病日悠哉衡門雨漸苔乍傳飛錫下仍以施珠來護
法吾何敢逃禪酒自吟相聞峴山社翻為遠公開

吳興諸名

勝結社峴山
邀上人入會

其二

道汝弁山住弁山無汝蹤
念予托一鉢揮手謝諸峰
小果聊遺愛空花是舊逢
乾坤大檀越到處好從容

贈王山人

五嶽游欲遍歸來鬢尚玄
藏名詩句後避世酒杯前
久客鄉音改無家旅興偏
翛然喚雙屐揮手向江烟

寫懷寄舍弟

除書何足問已自乞歸耕不必山公啟俱先海內名鼓
聲秋轉急幕府歲仍更賴有疎慵在猶堪寄此生

其二

休沐無它事清狂為爾陳身將數酒伴名挂一詩人物
意安吾拙時才捷有神不知投老計何日定為真

周君自大官令出太僕遼左飄然挂冠今年五十
矣而顏尚童其壻一龍余從子也乞詩為壽

我愛周郎美雅如王子猷官閒騎曹馬興盡剡溪舟坐

客中清聖園租比素侯白狼河畔雪知不上君頭

其二

少日佳公子中年賢大夫自迴司僕馭祇憶步兵厨入
坐峰峰玉揮毫字字珠龜貂未全敵時付酒家胡

將之晉任離家有感

自緣休沐久安作里中人強起從時意遲畱惜此身舟
凌荷芰發門掩薜蘿新無那尊前客晨星個個淪

京口別送者

拋君江口棹盡我手中卮垂老本難別欲歸翻狎離轉
頭吳地近抗手晉山遲宜必耽微祿浮生本末期

過滁州邵少叅

邵越中
舊寮也

過君駟馬里逢君五馬還乍看仍似夢稍定各開顏白
葛涼從進清尊別任攀環滁衆峰色彷彿越中山

途次贈孫尚寶鑰時以千秋入賀

汝自輿司馬憂時涕淚懸宸楓九地隔疏草萬人傳天
意存孤直臣心轉更堅承華一箴在知不愧先賢

太原道中書事

盤陀十二驛驛驛似西川畢竟中無地還疑小有天居
民同伏鼠宿客傍棲鳶不待蟬聲苦秋霜向鬢邊

其二

不斷峰巒色何由見晉陽傍山兔三穴入地鼠千倉項
為泉奔瘦牙因棗熟黃吳兒莫相笑風俗古陶唐

送陳太僕叅政蜀省

久宦無前輩推遷自至公空羣辭薊北叱馭指褒中益

部星初動并門險對雄還將在駟績一頌擬清風

中秋夜從侍御饒公登明遠樓二首

今夜中秋月浮雲裊自橫未添三晉瑩只避五星明小
坐杯頻轉清言燭屢更霜威暫時失桃李欲敷榮

其二

黯澹千山暮憑闌首重迴虹爭汾水上雲擁太行來漸
老驚先達多艱急異才今宵遲月色須為繡衣開

邀李素二使君小飲

忽忽秋將暮悠悠欲傍誰無才薪自積有祿桂從炊貪
作傳杯過數為同舍期南冠笑相拭莫使晉人疑

初入謁晉即陳常侍要飲別墅作

別殿沾恩罷逢迎有大璫自云東第好只在小山傍曙
月侵金酎流雲斷粉行為傳趨府近促拍按飛觴

其二

河東張特進老不愛人扶圓為延賓學尊從罷直呼食
單黃領臞酒味紫醅酥取適須臾事沈冥即我徒

再從諸公飲陳常侍別墅

小割麕初地聊為梓澤園
杯從三雅貴客有八公尊
膝席寬賓禮牙盤侈國恩
猶言朱即俗揖向棟花村

其二

偶爾朋簪盍仍勞倒屣迎
鬪茶中貴好賜醴主君情
果取非時味花多別創名
不論休沐否省事曉來清

晉中得亡妾信志感

歌鹿初停奏來鴻已歎離
一棺誰傍汝兩口別稱兒
拭

淚偷潛滴關心忍自支丈夫多意氣元不為蛾眉

其二

苦憶登車日雙眸強暫回已真成死別翻更怯書來玉
筋難收恨朱絲未作灰和家後園李子好令枝摧

其三

我更三千里兒驕女又癡最憐垂命別誰作有情悲舊
幌教涼住空箱傍夜移戢身無寸土西閣已先辭

其四

十八年中事居然一夢非未論調瑟好所憫抱衾稀強
粥供啼乳篝燈問緝衣辛勤意何限脈脈付斜暉

歸路寫悶

夜半呼厨飯欲餐還不能路危心轉迫天遠足無憑已
覺仍疑寤無言忽自謦遙傳伏枕在知復倚門曾

其二

因過長子縣愈重老親思路任羊腸險書嗔鴈足遲往
來山色異迎送物情疑不那三千里長縈方寸絲

聞臺抨不行有感

縱令寬謫籍豈敢問朝班
雨雪人回首春風自掩關
窮途出霰外垂老是非間
愛此浮雲色儵然逝不還

其二

當時諍臣論夫豈謗書函
執政寬相假流言轉自慙
本應呼第五不合受朝三
遂我初衣後秋風農圃諳

謝華壻餉紫檀梳匣

吳剛月中樹斲作紫瓊箱
得借衛郎潤長沾荀令香
寒

暄奉巾櫛早晚見行藏投老緇衣日毋言棄置傷

贈温州周生才甫

籍甚詩篇美飄然步履過停杯顧誤曲彈缺出悲歌客
禮龍門重鄉心鴈蕩多永嘉風物好其奈壯游何

新安汪惟一徐使君子與門人也以嘗侍李于鱗
先生刻其白雪樓集賦二章贈之

客有儒中使人憐身後名言從徐孺子得尚濟南山
水存遺操冰霜問舊盟莫將青鳳翮到霞覓兼城

其二

識汝沾沾意曾因御李君死猶能借客生可罷論文附
驥吾何有登龍世所聞祇應今夜月鶴背悵離群

贈白雲上人

愛汝白雲色蕭蕭佛日間有時歸法鉢無意卧禪闍生
滅了何礙卷舒長自閒尋常足避世莫買沃洲山

為曹比部送長洲張令入佐比部郎

我愛張平子賢聲衆不如棠陰過夏茂鳧影入秋舒已

製吳門錦還司城旦書曹丘能念舊不惜重吹噓

其二

列宿徵書重干夫擁旆遲令君青雀舫僊吏白雲司漢
法霜同峻吳郊雨自私度刀吾舊佩脫贈為明時

沈母輓章

範子成公父宜家是伯鸞閨中新鳳詔機畔舊熊丸慈
竹吳江冷啼魂蜀道難欲揮彤管述心折淚仍殘

病後程子訪我園居小飲作

起色綠君動銜杯轉自真材高聊翫世年少不窺人池
草詩情晚巖花酒態新即論吾黨外誰不傍風塵

答徐文果

自失而翁後風流思不勝絕憐徐孺子時及柳吳興天
目寒逾峻湖心雨自曾菰蘆最深處鱗素一堪憑

大梁王君用章既去崑山為客部副郎邑人俞仲
蔚集古語為八詠餞行要余與家弟和之各得四
首毋論其辭之當與否而感德懷賢要自不異也

威鳳棲梧桐

聖時不虛瑞有鳳下高桐含苞媚朝日鳴律飭春風攬
德輝何晚將雛曲未空俱言阿閣貴非仍枳棘叢

桂楫汎河中

汴水似天河星查暫一過鳴鼉徹遙漢飛鷁凌清波洛
客思歸引吳儂于為歌不取支機石其如壓載何

處處春雲生

春雲處處生藹藹復盈盈恍如飛蓋落忽與去帆平洩

彩迎迴照乘虛薄太清惠休無怨別早晚麗神京

軒蓋照墟落

半刺威儀重典客聲名高徵賢下梁榻問俗見干旄翠
鳥晨雙去瑤琴夜一操祇應今仲蔚窮巷又蓬蒿

輓楊都督尚英四首

劍珮先辭漢樓船舊姓揚一歸肝膽赤百感鬢毛蒼客
與金俱散弓將鳥共藏西州華屋地何處不堪荒

其二

壠樹縈幽旒江城咽暮笳風摧大將樹霜剥故侯瓜越
甲初滋蘚吳鉤不吐花一貧應莫歎去病肯為家

其三

雙挽角弓強橫行鐵襖亂髯將施草猿臂已生楊病
詫千金骨思留一寸腸祇應誇畢萬終覺少馮唐

其四

鯨海氛誰掃麟臺跡尚存生教僕射宅入作奉誠園勢
去通侯冷時平醉尉尊山陽夜中笛不聽已消魂

奉寄翁少司馬

三持直指節兩拜夏官卿身力從君父行藏有重輕盡
拋封賞去不減孝廉名祇恐千星象羊裘隱未成

送陳司訓遷高郵

不斷江南北春風桃李香珠還收甓社劍已鑄干將少
鬱衝星色仍開照夜光儒官到自好何必去游梁

李時養授室

那輸謝傅墅聊具戴生裝白几供碁隱青衣控酒狂稍

欽定四庫全書

兪州四部稿
卷二十九

十三

寬懷土切莫怯受恩長但使比隣健過從日不妨

寒食

故人日以故新家歲行新自惜無涯智翻隨有限身落
花寒食節芳草舊園春任是風光好那無淚滿巾

送徐子與之閩憲

踪跡乾坤滿行藏歲月深一官初汝報雙鬢莫愁侵霜
色帷從動星文劍可尋差我鰲頂上時復快披襟

其二

一馬驄仍健當年五馬才水憐丁字舊人喜細侯來鯁

徙閩天雨虹攄粵海雷彈冠豈吾意把袂獨徘徊

寄穆考功兼簡石給事

穆生醴酒薄卨氏宦情微人昔冰壺是官今水鏡非風
雲千態出天地一身歸予亦窮途客因之賦采薇

其二

物意毋深歎君今試自看枕高歸卧易釣直釣奇難漳

水魴時上淇園竹漸竿有書堪送日何必問彈冠

欽定四庫全書

兪州四部稿
卷二十九

十三

其三

故人有羊角一疏忤龍鱗生死交情在行藏世事頻還
將孤憤意俱付耦耕人倘遇栖栖者春風指問津

其四

聞君讀書處乃在清漳源小爾新蓬徑居然故漆園暗
芳書草發空翠墨花翻若語逍遙意寧將出處論

寄部侍御部時以按鹺山西有所論劾不合移疾

歸魏

一去寧因疾孤臣敢愛身
年華開對卷風采出埋輪竹
寫淇園雨花明澶苑春
還將獨行意解作倦游人

其二

休沐知何意浮雲萬事停
心懸魏闕紫澤滿舜都青
懶不談醴筮醒難頌酒經
唯應杜門處玄思入沈冥

為小江陸君題號兼寓壽

君家何處住小割吳江東
浦色輕橈外濤聲高枕中
素封千樹足綠友一甌空
里社前為壽兼聞報歲豐

向生上脩名臣錄採及先事賦此贈之

君真向平後不作里中居手挾先賢傳人呼行秘書羞
言陳壽米畏上桓公車倘及嘉隆際孤臣涕淚餘

程廣文先生德甫博學能文章用睚眦去其官鬱
鬱不樂將北游淮楚以紓其志賦此壯之

貧有寒羶在狂憑東卷誇一官文自左百感氣仍加白
雪人人耳青山處處家物情論且盡吾意屬烟霞

其二

我遇伯休父人稱行秘書官游終不達留滯竟何如霜
色淮陰釣寒雲孔氏車不須論束帛一飯莫教虛

夜泊胥口汎月作

灑氣將從合波光忽自開初縈匹練動如擁素車來出
沒青千岫縱橫玉九垓高吟烏鵲語橫槩亦雄哉

包山寺

山名從鮑靚寺榜尚蕭梁地擁諸峰合天容一刹藏松
楸深自老橘柚早能香隨意嘗僧供支筇禮上方

毛公壇

但傳毛公跡不識毛公誰
丹井久成沒白雲無復期
一僧酬對少雙屐厭歸遲
自昔牛羊地多於鸞鶴時

上方廢寺

蒼翠望猶合丹青看漸微
化城隨劫壞貧里見僧歸
古木徑路改空山樵採稀
蕭條住心退迤邐下斜暉

明月灣

揚舲汎渺漫秋氣逼尊寒
早餉炊烟合人家漁網寬
波

心插柳翠石骨嵌楓丹此夜冰輪色千年水殿看

泊東洞庭舍舟行山間作

孤舟厭水宿步履不知疲山靜泉聲遠天空夕照遲松
門入窈窕石壁露參差欲語會心處悠然支策時

贈蔡大孝廉

九十三翁
之子也

誅茅小隱地授草屨中師時著菜子服從呼蔡克兒為
親恒諱老攬勝不稱疲語及承懽事潛然吾自悲

贈蔣太學

深山愛溥朴況爾足書詩雞黍鄉情見蠶桑歲事宜不
愁新釀乏隨分短筇支是日蔣生徑唯應二仲知

助甫雨中小集

至後迴陽小尊前發興新片言千里駕孤憤十年身寒
色來今雨冰心問故人毋論素衣並斷不受緇塵

呈助甫

訪我将何意河山抱獨愁汝南無月旦吳越有春秋新
序慚中壘豐碑憶太丘楓橋小時泊爭喚孝廉舟

劉翁贈光祿卿

生作郡中正歿稱光祿勳主恩寬自及名德遠偏聞宿
壠新朱戟雕甍舊白雲詞頭下西序字字五花文

劉光祿入鄉祀

身是遺民裔居為通德鄉文章高郢里耆舊比襄陽祠
廟松楸古肴蒸蘭蕙香諸孫大官具瞻祀有輝光

過莫丈方伯園亭示雲卿

不愛泖中色愛君池上閒水綠書字黑蘚奪鬢絲班名

理輸前輩風流亦可攀嘉賓儼在側誰敢不脩顏

聞補楚憲之命四首

天入衡門近朝將盤綬新五投歸畝疏兩作起家人白
雪元推郢桃花不避秦官情吾豈薄野性恐難馴

其二

晉楚吾何擇山公意不輕虎鬚驚往路鷄肋歎浮名病
入園林癖衰鍾兒女情家鄉事事好物態一堪評

其三

當年成小草此日動菰蘆顛倒尋章服次且散酒徒廢
家方悔使移谷舊甘愚一出一回老還堪覽鏡無

其四

兒輩粗能立君恩轉似濃春光催駘蕩吾意獨龍鍾味
入中年減名憐末路容武昌魚價賤罷釣一相從

大中丞方公定之以嶺南諸什見示奉酬一律

度嶺天全近留霜瘴自徂藹林人比石合浦字為珠念
欲酬清郢神應索大巫將壇新政外許似祭遵無

送莫公遠遊燕

南游不得意策馬向燕中
久客家難定清時計漸工
歌
緱渾欲薙膏首已如蓬
為報今皇事弘開碣石宮

送歐陽判官遷兩淮運判

飛蓋一江隔棠陰
兩地餘水經初罷註

君任水利曾
著水利考 鹽

箕旋裁書官為清時好家
因薄宦虛亦知鮭菜賤慎莫
歎無魚

贈大中丞董公淑化

公舊按江南
今仍領節

屈指中臺彥無如漢董君
舊為驄馬客新領鸛鷺軍
組練遙明日樓船上屬雲
亦知蕪俎豆三策向來聞

其二

公副晉泉
與余善

共誇三晉地前後擁朱輪
人自風塵老公偏日月新
更衣向星使把酒慰波臣
總有明河在蹉跎敢問津

赴楚出門即事有感

江山雖自好其奈倦游情
酬酢無同輩行藏似隔生
低眉新禮數染指舊功名
豈有雕蟲客能為世重輕

其二

亦曉功名際，踟躕計未真。
暑憎腰帶重，衰怯鬢絲新。
欲作思歸語，其如送遠人。
嬌兒白似雪，遮莫喚爺頻。

六月盡立秋安慶道中

七月明朝是，孤舟病客非。
秋爭一夜早，暑可片時歸。
怯引青菱鏡，衰耽白苧衣。
誰能作桐葉，取次便先飛。

江行病起即景有感

涼色推蓬後，潮聲進艇中。
青山兩岸合，銀漢一江通。
豈

謂清涼界猶殘老病翁
羞聞暫養翮謂可縱秋風

七夕江州道中

令節從誰賞扁舟與自賒
賽江餘酒脯遠市少茶瓜
不擬明河詠從他上漢槎
殘機未成匹吾醉一思家

其二

彩艦凌波上宛非塵世間
鵲橋元漢渚鶴駕自緱山

七夕

王子喬乘鶴緱山
天意高難乞吾儕拙更閒
迴光總如練或恐

厭衰顏

病阻潛江口

獨棹阻風地孤燈伏枕身乍驚寒刺骨小間暗傷神分
與藥餌絕況無僮僕親新篔暖兒輩誰念不歸人

答陳淮安玉叔

陳楚人也

美人政成後日晏但鳴琴貽我淮南曲兼操郢里音調
孤春雪好寄遠白雲深欲往高樓奏應悲兩地心

其二

武昌黃鶴樓亭亭天南陬所少陳登卧空令王粲游三

秋鴈書至五月梅花愁莫作殊方語清淮是楚州

順甫晴川閣分韻得萋字

樹色漸萋萋烟波四望迷江將朔氣入天逐暮雲低如
夢尊前燭相催曙裏雞所誇文苑傳王魏或堪齊

又得洲字

莞爾心相慰愴然思舊游武昌情作柳鸚鵡恨為洲拂
檻星河動聞箏鴻鴈愁莫言春酒竭大別是糟丘

有感

懶慢嵇中散摧藏屈左徒片言交可絕九辨些為俱骨
相由來賤書生老更迂不須談腐鼠前路有江湖

京山過故王侍御時育宅有感因伸薄酌仍許為
其子銘墓

漢賊不兩立臣死安足辭唯憐請劔恨猶鬱蓋棺時喬
木風霜老宸章日月垂今朝南史筆無忝太丘碑

聞粵西除命有作時以楚臬迫將入計

歛然除目下呼酒一為懽豈謂投荒易端憐入計難桑

榆元愛暖蒲柳自知寒早晚從休沐將因托挂冠

其二

長沙七千里過此更沉沉
汨沒非吾責歸來是夙心
蒼梧眺不盡白髮話來侵
縱有東風在幽蘭寒意深

游匡廬不能從南康道入取瀑布石梁之勝志歎
我躡匡君背未叩廬山陽峰外漏銀漢雲端封石梁阿
蘭地寂寂籃筍天茫茫安得騎白鹿攜家住柴桑

輓何翰林元朗

才藝張平子風流賀季真縱新文苑傳無復語林人身
老叟書癖家餘縱酒貧吳趨翠眉伎強半為含顰

賀吳母徐夫人八袞

鬢以忘憂綠顏非大藥紅諸孫多薦鶚大母為九熊上
壽衣爭彩微賢管自彤年年采僊葬陽羨領春風

哭宗子相墓

旅櫬踰十載孤墳始一杯樹童烏自徙溪老獺堪留未
竟生前事無窮死外愁才名世人共天意獨悠悠

其二

百花洲上地無復舊花枝
夙昔銜杯客今來挂劍誰
風流一慟盡山水寸心私
若語藍田重非闕有勝兒

送屠比部省侍司馬公歸四明

由來白雲更多與滄洲
期及爾拂衣請遂當娛彩
時無須大官膳且采商山
芝寄語家司馬堯天日正
遲

送顧文學歸吳下

吾念顧元歎浮名衆與同
舍從彈鋏幸文向斲輪工
齒

髮神明外行藏感慨中諸僮未應悉還汝舊江東

游蓮花庵西水亭得南字

一雨勁柔籃干花弄晚酣僧來誇世外吾醉憶江南涼
色深茶椀溪陰逗葛衫吏人排馬急母乃報朝叅

送汪光祿遷南京尹

晉室丹陽尹漢時光祿勳雲依故都合星自禁垣分九
列人堪老三朝事可聞江東吏人在應識小馮君

君伯
兄嘗

為南
京尹

王太僕時厚省母郢中

一疏辭司僕高堂急老親
饌魚真待汝迴馭更何人
綵出秦陶美顏回郢曲春
葍羨自可戀清世有君臣

呂舍人移疾歸吳

松筠一在念遂厭承明廬
自謂東方肉何如張翰魚
誰堪代供奉君豈不中書
早晚山田熟應誇計未疎

張太史明成送母還豫章

誰犯斗間色文星出紫微
侍臣中禁少逐子大家歸
茶

愛香城美魚誇富水肥公無長畫繡人主正宵衣

贈茅生

暗投多失色孤憤少知音
依舊豐城劍空懸燕市金
衝牛國士氣買駿古人心
予亦浮湘者誰當誦上林

弇州四部稿卷二十九

欽定四庫全書

弇州四部稿卷三十

明 王世貞 撰

詩部

五言律三十五首

余忝督鄖楚與季朗後先發辱以麗賦見贈且出
扇命詩走筆酬謝

鄖國忝持節春明同振衣憐君一咳唾散作千珠璣把

並吳鉤色攜增楚璧輝好逢楊得意未訝薦書稀

過定遠問功臣遺跡有感

甲第杳非故子城餘至今燒痕寒不泯沙色晝常陰無
復風雲蹟偶然天地心孝陵回首霧紫氣一何深

宋玉墓

此地真埋玉何人為續招秋風弔師罷暮雨逐王驕萬
事才情損千秋意氣消仍聞封禪草遺恨右文朝

張司禮堯督備顯陵八年而始還朝節惠之政口

碑載道余甚媿之敬之於其行賦五言近體以贈
還朝禹年並馳傳漢恩深雨露園陵色冰霜使者心卧
餘江畔轍頌有郢中音雲夢母勞對君王罷上林

留吉甫達甫伯仲小飲

鈴閣閒堪掃牙旗靜不驚一尊聊二子三月自孤城柳
送青陽色江迴白雪聲絕憐分手恨翻向會時生

偶成

欲識君恩重優閒到始知空城聊假節玄嶽是真祠酒

病那從起書淫不要治未應千里外片檄似風馳

其二

一雨夜來足添衣身轉輕濁醪生睡理脩竹韻書聲少
事人方貴無營意亦平偶因貪化日聊爾話長生

其三

薄有澄清志猶疑節制非一城如斗大三戶似星稀返
照松筠嫵初晴筍蕨肥春寒夜來急無夢可成歸

其四

好作山僧擬其如霜鬢毳升堂無法說退院少機叅草
色深趺坐花陰靜步檐晚來鏡吹發應似禮伽藍

偶題小齋

事念了無涉起居初有恒佛書閒自展何肉久堪憎鈴
閣棲禪觀轅門坐老僧多慚少年日綺語任馮陵

杭州詩人蔣少翼館於中涓所薄游不偶將歸故
鄉賦此送之

錢唐諸父老問爾長安時累宿內供奉可稱明主詩狗

監不曉薦馬卿亦何為今日孤山逕還容二仲知

答明卿聞元美擢御史中丞督撫鄖陽喜而有寄

四首

潦倒孤生業吹噓造物情一官慚國士萬死為家聲感
舊羊曇切酬知到漑輕

羊為切
到為輕

浮雲多晷曠缺月向誰

明

其二

文苑三朝彥淒涼半死生青雲聊寄跡白雪好尋盟不

必彈冠意俱歆仗鉞名襄陽訪耆舊終愛鹿門耕

其三

物意終難是勞君擬昔蹤片言成嘔血殘燼奪歸農六
出空流馬三分可卧龍小儒逢大業歸骨亦從容

明卿第三

詩全用
諸葛事

其四

與君論瘴色不獨鬢顏深瀧水長裁句

吳均秋烟瀧水
水為險譚句

貪泉久定心

吳隱之事

聖朝憐泣玉詞客盡橫金莫以夷門

近輕令使少尋

太和即事四首

名出登封晚功存象帝先路疑鞭石就室似鑿空懸有
壑難窺地無峰不刺天所游疑夢境回首即茫然

其二

天門揮手是宛轉尚干盤但語中原小那論行路難夜
分先得日春去獨留寒不盡登臨意倏然思羽翰

其三

脈借崑崙遠聲欺太華早上分天一半橫跨地三垂不
盡松杉壽母妨鶴雀危祇憐來往客未解治貪癡

其四

童冠六七輩銀管雜瑤笙一奏鈞天樂聲聲薄太清風
來時斷續雲過復分明似我仙才淺猶然病骨輕

助甫約登太嶽候之不至

山色空相媚吾眸未忍青人從春雨隔杯入暮雲停徙
倚銀河度淒其玉漏聽難分使與客只合候張星

雨後與孫兆孺小坐

一雨夏畦足高齋秋思深
酒成君子淡談愛野人真
宦達何知味年衰始問身
上書歸不得妬汝出風塵

答寄李惟貞侍御

屈指龍門御清尊盡日攜
陽春郢里曲殘臘顯陵西
雨色深三楚霜威淨五溪
絕憐回鴈外猶有素書題

李荷明府悉以晉中新詩刻見贈

汝真秦相裔題刻徧山崖
霞處五雲色時時千古懷
銀

鈎看轉好玉案報仍垂欲擬君家例移來嵌小齋

謝弟寄古方壺

寫從員嶠並鑄自首山分不盡九州跡長留萬古文
土花深送潤水草細垂紋今日千金壽瓊瑤難報君

謝寄洪崖圖

健攜方竹杖涼挂紫蕉衣再出開元是同游衛叔非自
穿丹井隱不跨雪精歸贈我高齋色宵來動少微

乙亥鄭城除夕

爆竹時時勁屠蘇緩緩斟爭先兒輩事戀舊老人心澤
國音書遠波臣歲月深燭花濃不剪抱膝自微吟

初春偶成自嘲

五十俄加一蕭然兩鬢絲山城催暮緊地僻受春遲罷
吏無餘牘揮毫僅小詞迂疎竊自喜除目未相知

其二

禮樂皇輿遠恩波聖德長只今連帥地自古逐臣鄉水
驛魚羨美山田稔飯香一城如斗大人笑夜郎王

寄肖甫

辭侯張博望就拜大鴻臚幕府山猶昨臺城吏散無主
思官九列天意賦三都若語鄖襄帥居然一豎儒

其二

未論除目異祇是起家同宦跡難稱薄詩篇尚帶窮江
聲放衙後山色捲簾中六代風流事春來盡屬公

春陰

春來思空發暝色但沉沉天濶非無照山多自易陰冰

霜前日事草木後時心我慣牢慙久無妨抱膝吟

答子與見訊仍請叙詩集

未必天涯遠能令國士疎轉頭論舊盡屈指覺才虛片
語千秋色雙魚萬里書因君重飛動垂老惜三餘

答子與請作子相祠碑

烏石山頭色能如峴首無風流一代盡雪涕萬行俱桐
邑恩偏遠中郎思欲枯故人無故吏忍使寸心孤

答子與見壽五袞作

忽枉新詩讀方憐往日非千秋慚竹素廿載濫金緋小
鎮仍宗慙衰情似表微菰城社酒美報爾盍同歸

答子與春衣之寄

筒卷春衣薄郵分粵路長蹙金雙孔雀窺角一神羊縞
紵粗難報緋袍老不忘天涯散知己真有四愁章

五言排律四十六首

送任戶部督餉陝右

大漢中興日匈奴近塞年材官屯六郡飛餉轉三邊帝

里春將盡天山雪尚堅紀明催轉鬪克國擬畱田一上
金城策俄分少府錢關河俱動色將士欲爭先葱嶺鞭
堪斷恒河鐵可填歸來奏奇計聖主在甘泉

過天寧寺望塔有作

浮圖隋寶額舍利漢金人龜捧雲蚨篆龍蟠海藏鱗躡
空依日月飛磴隔風塵入夜鈴時語摩空鴈欲馴霞標
象外轟色界望中新萬劫留真地諸天護法輪空憐證
聖眼猶是滯凡身為有摩尼在金篋與問津

塔光

天寧寺塔中有舍利時時於相輪吐光予夜宿
見之

飛刹聳峒光迴風萬鐸敲神光發寶樹定力轉金標熠
耀渾難擬熹微迥不消晦驚春月上昏憶曙星搖法鴈
珠頻吐神龍燭乍飄一燈披幻劫萬界出沈寥自失迷
津晚俄然覺路超不須求指示淨域本非遙

答伯承新喻

柳條霜又綠，不忍記離羣。遠道逢投札，空齋疑對君。夢
將池草得心，以澤蘭薰。露白金臺月，山青玉筍雲。母深
簿書意，期爾細論文。

其二

李侯有僂骨，強爾加塵顏。名在公卿外，身猶簿尉間。開
簾卧白日，推案得青山。公事多饒暇，新詩能往還。獨餘
離羣意，相望涕潺湲。

題婁東卷

負外郭惟清其先婁人也以徙豪至都下李生
為繪婁東山水圖志別號云

我昔婁水曲結茆生事微秋雲挂江樹朝日滿荆扉歲
晚觀穫罷田家招飲歸偶為鷗鳥忌虛惜鱸魚肥見爾
談鄉故聞音疑是非綸竿未能把相對欲沾衣

嘲周叔夜夢感

客里深秋意芸閣病周郎魔障重難透心兵躁未降幽
期即中夜故好隔蘭房春卉留蝴蝶曉雨殫高唐驚回

忽不見思至自難忘依依想顏色
濛濛濕淚光千里倘
同契離睽詎云傷

辛日之郊外小飲河亭即事

息駕古亭邊流飈入壯筵
太液分波潤長楊選勝偏
空林發鼓吹曲岸逸樓船
碧雲空際合朱規樹杪懸
韋曲天尺五新豐酒十千
所欣居冗散况此樂游年

送劉侍御清閱三吳軍籍

六月軍書下三吳憲節懸
日華浮組練霜色護樓船
一

使兼文武孤忠先後先海潮犀弩避郡國虎符傳自昔
東南地曾分閩制權挂帆當使馬耨火置屯田將帥誅
求裏逃亡涕淚前芻糧還舊日調發任他年赤籍虛難
滿蒼生實可憐蕭條石壕吏悽惻采薇篇閭井眉須察
兵戈骨未全不堪家國計為爾重悽然

送方居道之應天

落日大江樹揚帆帝子洲僊臺看不盡天塹劃分流水
擊三千舶雲甍十二樓腹心歸掌握叅佐見風猷吏事

饒談笑公餘得卧游烟花馳道晚霜葉禁宮秋潮濶連
滄海天清辨虎丘尊鱸未須羨鄉思總能酬

送黃國範比部論京畿塞外獄便道歸省

勅罰歸天吏飛符出未央帝城千騎月龍劍九秋霜草
色乾坤老軍聲闕塞長珮分華省玉人是法曹郎三尺
依城旦雙旌指冀方恩深禹車淚生轉漢縈章渭水羞
曾赤箕星氣獨黃別筵楓葉道傳錦荔枝鄉為有高門
待應誇結駟良

秋夜省直同李申二子登白雲樓分韻得秋字

何當白雲吏同上白雲樓海月分余坐天風攬客裘語
來高嶺失曲罷片鴻愁刁斗期門夜流黃永巷秋玉繩
寒不落金掌淨堪收未數陳登卧聊為王粲游他時念
厯落非土悵淹留歲月孤踪並乾坤萬象稠爾曹珠炯
炯珍重欲誰投

二子詩多感邊事再疊一首

夜色舒長嘯西風吹滿樓邊書白羽箭宮詔紫貂裘天

地心難測關河氣轉愁
鼓鼙敲月暈兵甲暗霜秋
萬折行營滿千金選士收
請纓猶賈疏勒碣幾班游
金馬名誰在銅駝蹟自留
乘軒吾道薄賜第主恩稠
遠愧吳門卒朝簪未敢投

送楚人曹生義烏令

媿人御瑤舄別我去長安
步草俱稱植栽花不讓潘
賢如楚令尹秩是漢郎官
風物東陽近聲名西峴看
人家稱禾足公事酒杯寬
溪學郇公字巖藏葛令丹
松間案

猿鶴花底集鷓鷯欲作臨岐贈冰壺秋月寒

送萬郎中恤刑楚中

都門惜別地草色更油然爾去金鷄詔應過嶽鴈天春
波巫峽滿夏澤洞庭偏干羽堯階後軺車禹淚前鶯啼
五溪渡花發百蠻烟賦就如相問江梅玉笛邊

寒食山陵道中

馬首春還薄乾坤氣未蘇亂山浮日斷危戍逼雲孤花
發已如落柳垂猶半枯兵戈百戰息烟火數家無哭泣

驚新鬼扶攜問老夫石壕初避吏榆嶺復防胡生事悲
機杼雄心撫僕姑七陵佳氣在長拱帝王都

過昌平擬上經畧許中丞

豹隱終南奪龍韜薊北專建牙三輔色吹角七陵烟星
斗青萍外闕河紫氣前雙鷗下鳴鏑萬馬聽揮鞭辟易
隲支嶺崢嶸苜蓿天高樓明月嘯橫槊大風篇白髮籌
邊早黃金募士偏還應報烽火不復近甘泉

吳山人將徧游北邊謁予索詩云元戎蘇相公迎

之

擴也負竒士飄然辭帝京乾坤雙旅鬢湖海一詩名躡
履身猶健論兵氣未平風塵沙海戍雨雪薊門行鴈已
思南度人今賦北征褐衣春事晚七首壯心驚舊識周
司寇齊名漢子卿九關橫卻月萬里畫長城幕客金貂
貴軍鋒鐵騎精青油傳夜色白羽動秋聲感遇多投筆
逢時會請纓燕然如可上勒碣問班生

賦得反邊馬有歸心

蹀躞玄圃秣驅馳青海烟
桃花汗玉勒揚葉展絲鞭
得意逢都尉長鳴逐左賢
鼓嚴霜耳峻關惡夜蹄穿
刃斗
征人淚琵琶漢女絃
風聲亂蒲類月色滿初連
虎穴生
偏賤麟臺跡未傳
如逢貌竒骨天外不辭年

任戶部自密雲回道却敵事甚悉尋貶官武定詩
送之

見說盧龍塞番兵夜合圍
笳吹城欲動烽逼鴈仍稀
仗節星郎駐飛芻代馬肥
晴虹袖七首秋月滿戎衣
萬死

身猶在孤臣事易非還看謝州簿白羽暮年揮

送劉比部恤刑雲貴

軺車小司寇鼓吹黃金臺天欲南荒盡春還北極來泣
珠恩自遠祝網面仍開貴竹披層瘴昆池暖劫灰客傳
星使部人憶夜郎才不識秋鴻外新詩可寄裁

感述六十韻

歷歷行藏事秋霜積淚痕十年曾結客詩句滿中原一
跌身同贅頻驚舌屢捫未風誰辨草先火欲明璠避晉

傳江左棲吳類武源中丞雙豹尾刺史五熊轡奕葉陪
皇運生成總國恩徵書向州府束帛去丘樊識監羞司
馬為儒陋叔孫賦題秦女鳳班逐漢臣鵝所際垂衣主
寧期泣扇媛侯門罷投謁天路隔攀援勛業時名左文
章世態論縱遲甘曳尾那肯羨乘軒難已東方設歌仍
下里喧四愁虛望嶽三刖竟悲崑黯澹白雲署風塵黃
鵠翻幾人甘蠖屈吾豈厭鵬騫才拙知何補時平借不
寃寢興惟早莫朋舊絕寒溫海席鱸魚膾燕盤苜蓿殮

身安束濕久道以積薪存休沐憐妻子寅恭得季昆篇
成多和瑟曲罷有吹埙頗解譏衰鳳無能託化鯤邇來
工上下愁說會平反一旅勤王室千秋啟塞垣紮衣歸
漢市碧血灑周墻泣雨誰看粟投暉尚覆盆幸陪郎署
席亦負野人暄戀祿違辭紱驚心阻叩閭緹兵時絡繹
中旨夜趨奔麋鹿何罹網羝羊更觸藩向來邊事棘獨
使聖憂啟籌筭明光秘祠禱太乙尊任方優將相塵已
動乾坤列幟蟠狐嶺連烽逼鴈門地炎邊馬習月黑羽

書繁飛餉三邊轉材官六郡屯元戎假黃鉞天子授朱
韃賈傳寧談餌婁生或請婚女紅全掃越汗血未歸宛
野色徵龍戰原蒐益虎賁鼓鼙秋轉急戈甲晝仍昏質
子空都護孤兒總陸渾壯懷頻舞逝清嘯久輸琨智士
甘懷寶忠臣惜喪元蛾眉各燕趙魚腹自湘沅歲月無
乾土生涯有故園雲齊吳渚稻潮滿沃洲蓀熟柚金分
管芳筍玉滿樽問津迷遠楫息路悟歸轅其若頻年使
仍傳一札言民窮怯蛇虎吏巧獵雞豚巧似驅淵獺窮

如失木猿三江先雨涸萬柳後春髭垂老脂俱盡公庭
淚暗吞衣冠十道使烟火幾家村羈旅餘皮骨朝廷問
本根茫茫竟何所腸斷賦招魂

送尤祠部汝白兵備廣東

卓犖憐吾子交游見古風官仍時論外名宜衆人中國
事談兵異風塵受寄同潮平天自邇瘴合嶺逾雄帆落
羊城鴈旌迴象郡虹銅標伏波塞金屋尉佗宮自古危
秦政於今失漢功行霜山鬼避泣露海人通爾去能遷

木予留竟轉蓬度刀贈秋水揮手帝城東

人日同茂秦于鱗公實子與夜集子相考功分韻
令節淹羈旅同心藉見要人俱愛今日吾亦醉茲宵樽
是宜年栢盤餘頌歲椒殘梅壽陽片新柳建章條雪色
凌春發星光逼曙搖酒闌仍劔珮詩就各瑤瑤身世誰
偏晚風塵敢自驕更慚叨薄祿樽報清朝

傷春四首

二月春過半蕭條甚往年無風蕩白日不雨失青天邊

塞還鼙鼓侯家自管絃命輕微病後心老欲歸前對酒
多仍怯看花豔更憐祇應長兀兀一室坐安禪

其二

迢遞南來使艱難北伐兵春遲榆柳色朔動鼓笳聲多
難無朝野深愁外死生羣公栢梁宴大將棘門營末路
填驅轄瀕年絕請纓漁樵吾豈敢玉石未堪平

其三

浩浩來春色茫茫抱獨愁兵戈北極動舟楫大江流為

國何虛實謀身幾去留
草欺公子陌花妬酒姬樓景物
存揮淚生涯寄遠游
所甘唯瓠落湖海一沉浮

其四

草木春還舊乾坤
事轉新他時問根本
斯道恐風塵狂
至非闕酒窮來實
讓人不才莊氏木
甘老漢家薪文字
難知已聲名易有神
何為愁役役天許
放吾顰

三月三十日郊外小飲兼有所感

近出看栽柳
重來綠護人
縱遲今日暮
已判隔年春
酒

醜深難却花枝強當新綺羅猶杜曲鐘鼓任平津放蕩
羣謀笑生疎萬事嗔祇應兒女計未敢問垂綸

送范按察克卿調補福建

世途過欲盡古道尚堪存九折官非晚羣言望益尊故
人推轂分明主賜環恩日月闔山破風雲瘴海吞未論
台斗象聊息太池鯤名到朱門失聲先墨吏奔法真無
上下身且信乾坤鰲頂如探壁裁詩可寄論

病中

白日垂垂墮青雲
裊裊舒病窺文義
淺懶益世人踈跨
馬心先折銜杯意
未除問醫吾隱几
索食稚褰裾國事
干戈後鄉心劔珮
餘却憐潘騎省未
可賦閒居

其二

晏起無長日貪眠
有隔旬間真吾喪
我出不爾如人握
管思仍廢開眸事
總新游蛛與戶網
落燕任梁塵酬酢
聊存性詩書自穩
身何須問江漢天
際幾垂綸

別子相

吾黨一時得疑從異代來鰲扶華頂出鵬擊大溟迴有
重身能任無堅勢不摧宗生尤卓犖於我重徘徊神賞
荆人璞能驚魯殿材句成兼庾鮑毫腐失鄒枚四顧心
逾切相過眼倍開驥騰咸辟易鳳舉未摧頽此日江淹
賦青天郭隗臺行留念萍梗歸去逐蒿萊赫奕西京貴
飄零幾祀灰古今俱努力顯晦必闕才物理須推久時
名盡可哀天涯未為遠揮白亦雄哉

送黃資禮謫判漳州

白簡當年疏真無愧古人舉朝迴氣色中貴失精神日
月流言事風霜敢諫身向來餘萬死此去有孤臣別地
荆榛滿之官橘袖新濤驅千嶂雪花散萬家春任使非
凌守虛懷欲近民臨岐繞朝策為爾重沾巾

送周叔夜守萊之平度州

冠蓋灞陵中相看吾道東五馬分符貴三齊列郡崇
鶚指天邊日龍嘘海際虹恩推聖水潤才借墨山雄看市
遙知霧回車欲問風綬花紅纈采帶草綠凝叢時當壘

書下母忘保障功

為吳員外贈別

員外亡內子乞假
歸時主試畢得請

圍棘暫淹留餘香故結愁採珠新照夜沉劍易悲秋更
是蒙恩卹將言歌薄游楊柳青含雪芳杜綠分洲徘徊
不忍道迢遞阻相求星輝鳳凰嶺春漾木蘭舟蕙帳重
盟鶴菱歌不起鷗漢庭方念賈魏關更懸牟賴得霅溪
水時從東北流

送嚴整之天台丞

聞道天台路花深似武陵君當簿書暇乘興獨攀登蜃
將朝市出虹並石梁升念以風塵寄能偏吏隱稱泉聲
當晚案山色滿春膝要使人呼父母令予負丞臨岐別
有貺托意在壺冰

壽吳封君九十翁子叅政憲副侍養其孫峻伯郎

中來請詩

天目橫佳氣苕源出紘濤年同授書老家是徙陵豪喬
木干林色江湖萬頃膏身輕叩竹杖興遠木蘭舸大陸

雙鴻羽芳池一鳳毛金緋陪几履芝玉散庭臯膚挹青
精潤歌裁白苧高茲辰玳瑁宴上客鸛鷖袍露掌僊人
饌雲盤帝母桃雕厨薦杞菊銀燭醉葡萄名已丹書寵
思應束帛褒獨慚西署列班管罄揮毫

寄袁履善

使君有冰神燕市醉相親竒字揚雄敵新詩鮑照倫銜
杯即河朔對局類秦人一去孺枝晚相期瑤草春興從
思鱸逸年與士龍均北闕江湖夢南冠市井臣才浮莊

叟瓠官積漢家新吾意或無愧天涯能重陳

訪太史李丈石鹿草堂

罷停青雀掉來訪碧山居雜浦橋能識飛花徑未除坐
通文舉刺牕滿鄴侯書為酒初收秫分泉自灌蔬舞畱
玄圃鶴釣得渭濱魚握麈青天外彈碁白日餘榮庭更
蘭桂觸目有璠璣邑相陪萊服門人奉筍輿烟霞東閣
履星斗上林裾燕客多相問君無厭漢廬

代婦寄周子

游子適上國賤妾依空房
氤氳語孤影亭亭待夕陽
鉛華強欲御淚靨不留粧
結網陳雙箭牽絲理七襄
何當化磁石引恨入君腸

代周子答婦

目斷故園柳身戀上林枝
吾當恨霜鬢卿亦嘆蛾眉
兩地栽黃檗辛苦不相知
入夢驚鴉短裁音托鴈遲
惟餘子夜月曾照流黃機

送章道華提刑之江西

舊傳分鼎業爭重有洪都日月疲龍戰乾坤撫駿圖山
今奠廬嶽濤不震彭湖伯仲桐圭啟東南竹箭輸異時
忘帝力驚代得賢扶子也漢廷尉才其楚大夫秋霜動
旄傳夜斗辨昆吾勝槩揮毫出妖氛攬轡無魚跳廉訪
佩虎擁使君符匝日青驄馬鳴風金僕姑感時冠欲立
憶舊眼堪枯八葉仍英主千秋仰睿謨樓船南下瀨車
騎北單于地力傍搜盡天心轉鬪孤祇應三表擅不必
寸丹殊倘遇王尊道相期莫忘驅

賦得金鳳花

初秋鮮竒色亦足續吾軒嬌姿委露泣弱質含風翻紅
織上玉指碧淺轉銀盆質是黃花後名為衆羽尊閩宮

誰第一小婢最承恩


唐詩呼金鳳花為菊婢閩王
璘所幸婢曰金鳳後冊為后

賦得料絲燈

靈象來西域竒麗薦南滇鮫絲冰淚滴蛤粉夜光縣映
彩疑花笑切翼類蟬聯薄雲全帶月澄流微澹烟欲奉
咸陽殿先近五侯筵

賦得紗燈

誰剪紗為葉，翻憐玉作枝。
霜輕織女製，星散影娥池。
流黃動金綴，分紅入翠巵。
燦爛欺螢耀，霏薄勝蛛絲。
還同瑟瑟幕，不掩麗娟姿。



弇州四部稿卷三十

欽定四庫全書

集部

弇州四部稿卷三十一

詳校官侍讀學士_臣陸伯焜

中書_臣劉源溥覆勘

總校官原任中允臣王燕緒

校對官檢討_臣慮應

謄錄監生_臣魏廷敷

欽定四庫全書

弇州四部稿卷三十一

明 王世貞 撰

詩部

五言排律六十首

贈梅將軍

無論漢飛將馳射爾誰先
一劍酬知己千金結少年
建牙滄海日揮羽薊門烟
韎韐戎王錦珊瑚宛馬鞭
乾坤

兵事重將帥主恩偏欲問汾陽貴吾誇未遇前

迴龍觀

絳節春時憩玄宮夜不扃薜衣屏日月松骨破雷霆剝
落羣真像淒涼上帝庭蟻臺留雉堞蝸壁斷丹青王氣
千年合鑿輿一夕經河山被容衛草木吐精靈谷憶三
呼應雲疑五彩停莫將榮辱理來此叩桑溟

過天津

此地關天津關城萬馬屯勢臨南極迥威擁上游尊日

月分三輔風烟接九藩
雕盤秋氣肅鯨擊夜濤奔
赤羽邊庭檄青油使者軒
北來多破膽南望易消魂
人意明羣盜天心暗陸渾
憑舷仗尊酒孤抱向誰論

過清源李憲使宴作

河山初執手天地一掀髯
月擁齊藩節霜迴漢使幟
官途鄉語細軍令酒杯嚴
白苧調歌管青衣度舞簾
香抄雲子飯潔稱水晶鹽
笳鼓行營急蘭膏北海淹
金吾應不怕為許夜厭厭

自天津南所經由亡不陸沈者聊成短述兼志憂
年得十六韻

脉湧中原破隄平萬穴趨青天迴碣石大壑播方壺甲
子堯年偶庚辰禹佐殊向來分水陸茲往混江湖遠舍
晨都鱷危檣夜宅烏鷗行饒道路檜偃奪菰蒲急瀑千
珠濺寬流一鏡鋪穀文寒繭粟錦色晝模糊紫鳳疑來
往天吳或有無颶驅驚倏忽帆迫亂喧呼怒激鉦聲廢
微爭線力扶身輕仍燕雀勢定始妻孥瘞馬祠空白首

龜目易朱容程茲地險民力幾時蘇沈竈生涯盡投薪
骨髓枯茫茫上帝遠吾意欲招巫

寄李于鱗二十四韻

四顧空搔首中原獨撫膺月寒青海鴈風偃赤霄鵬道
路逢他輩聲華亦可憑強為知己語敢並故人稱憶自
唯吾汝相逢屬廢興舟聯私郭秦樓卧仰陳登落月過
三市高秋問七陵河奔浩莽蕩嶽削重峻增沒羽真疑
虎踈鞬乍縱鷹風烟身許混天地目頻瞪俗就誰心折

篇成豈價增拙於貧賤共狂得古今憎嶺表梁公實山
東李伯承宗徐少卓犖榛也老飛騰獨往時難遏橫行
意頗矜英雄方識爾躑躅有來朋眉宇千年色襟期萬
壑冰過從原不偶聚散忽因仍別路人如織微官我獨
繩孤槎春氣迥雙劍斗文凝酬酢懷翻切浮沈道鮮能
暫歸依酒伴隨泊訪漁燈此物期終遇生子或可徵亦
知疑白璧代爾任青蠅

淮陽公署遣懷二首

空館雲常合荒階葉易平
風霜私俗吏天地狹狂生
嘯引雙長鋏愁依一短檠
惜眠晨鼓罷散食午禽鳴
刀筆難違世文章肯近名
倏然竟何語奇思獨能驚

其二

向惜湘纍有行求越石非
官寧為吾設事頗與心違
隨遇浮沈足相知積漸稀
庭陰候吏散樹色晚鴉歸
白髮過搔首青雲阻拂衣
淮南小山桂鄉思欲飜飛

奉送大司寇應公還天台

投劾心初遂生平節未磷兩朝均出入一代借陶甄有
念俱生物無營獨任真向傳銅柱徵曾擁繡衣巡羗笮
乾坤盡甘棠雨露勻戢兵驅揖讓吹律起沈淪直道萑
菲易歸裝薏苡貧至今看頌德猶自滿文身海岱嚴旌
鉞阿衡領縉紳名齊山相遠治訪益公純北斗官逾貴
西曹法轉新自來惟重意或少不寃民在宥求明主遺
安惠老臣但無慚竹簡何必問蒲輪瀑布遙飛漢衙門
豈避秦月來天柱曉花發石橋春白首風波隔紅顏藥

物親棲遲餘故吏黯淡走庸人拙計窮緣木微才老積
薪空為國士語南望重傷神

正月六日雨阻江上因記昨歲同于鱗諸君訪茂
秦於華嚴庵分韻賦詩一時之盛悵焉有懷爰賦

十韻

昨歲還茲日相攜出建章去乘支遁馬來借遠公房所
遇皆同志焉知在異鄉天花沾草木佛日轉冰霜詩辨
三乘體經翻四大藏降心皈鹿女說法禮獅王有會因

能就言離業轉長彌天今落落大地各茫茫雨雪逢南
土風烟阻上方未須論幻跡吾道本何常

李南雄而進

爾父南宮老尊為帝者師向來麟閣重況有鳳毛奇難
弟曾雙戟中年暫一麾累朝懸賜履萬里借褰帷庾嶺
熊軒過凌江雀舫移宦資裝石見心事買山知喬木風
霜古漁樵日月私浮雲迴意氣流水瑩鬚眉學稼興時
早看花散每遲不須求大藥即此是僊資

贈浦翁

早應公車辟亡何愛隱淪
傳經問心事却杖轉精神
守黑偏柔物馳玄頗避人
乾坤為圃意湖海狎鷗身
雞黍能謀歲鶯花自與春
東林倘開社識爾白綸巾

同陸象孫咏玉蘭

暫藉辛夷質仍分蒼菊光
微風催萬舞好雨淨千粧
月向瑤臺並春還錦障藏
高枝疑漢掌豔蕊勝唐昌
神女曾捐珮宮妃欲施香
誰為後庭奏一曲按霓裳

讀陳僉事祚遺事有感

愛主投經術如何遂觸鱗艱危兼數口徂落始孤臣
吾道風霜舊君明日月新數罹年自老垂死意常伸
嶽峙生前節星沅化後神向來緜几上白簡竟何人

送徐汝厚之陽信令

射策蘭臺日題名棘寺年風波乍相失雲樹莽俱懸
月就留陳榻天迂訪戴舩衣冠仍瀕洞朝野並屯邙
不謂艱虞後重逢涕淚前移燈申契濶握醕幾留連
辭賦驚

心少交親舉目偏公車除牘下僊舄異方傳惜別頻看
鬢深期各贈鞭河山齊十二禮樂魯三千保障誰堪語
絃歌爾自先彈琴野雉聽開閣縣花然太嶽千家色謹
陰萬井烟犢歸新賣劍馬飲舊投錢題壁勞明主徵書
與大賢他時但鸞鳳莫使變鷹鷂

七夕汪李二丈同過餞謝山人

茲會遽為別六街愁思生月沈河不見鵲迥夜無聲波
浪魚龍卧關山鴻鴈征天孫一夕語國士九秋情逐世

吾何拙離居各未平明河無捷路梁苑有高名縹緲低
雲樹羈棲隔露莖年年當此夜念爾若為情

游石湖登上方寺

客語上方勝藤蘿手自攀歸雲初半塔過雨忽分山
暝冉開青鏡參差列翠鬢苔衣沾步屨栢子落禪關
自喜長年慢猶慚老宿閒鳥還應已暮未肯下人間

歲暮家居有感

伏臘京華會今從海上看中原散朋舊故國倦衣冠
詩

卷供人笑尊醪把自寬
枯桑朔意久過鳥夕陽寒
節序顰眉得人才屈指難
未堪時攬鏡吾鬢欲如潘

送梁思伯還南海

韋賢原相漢其子獨辭侯
問豈家人產交唯國士流
衣冠寧向俗書卷自寬愁
躡屐三神徧題詩五嶽留
道存匏肯繫材大瓠還浮
傲世時捫虱全身或應牛
席迴桐栢雨帆入廣陵秋
淮海桓伊笛乾坤郭泰舟
衆情雙眼在吾黨寸心酬
欲別頻更燭相思但倚樓
燕豪贈匕首

粵女問刀頭鴈，微看猶去羊城望。
轉脩求僊勾曲嶺，載酒鬱林洲。
何日尋初服，相期向子游。

為茅太守題鳳皇泉

神漢懸丹穴，靈巖控紫京。
誰題秋澗水，還並古臺名。
潤借岐山彩，沅為嶰谷鳴。
梧桐寒不謝，霜月照逾清。
燕尾人家色，羊裘釣者情。
今看漸如練，為爾映雙旌。

贈方東平

東郡分符日，西京奏賦時。
文章元汝在，吏道亦吾師。
宦

豈將迎足顏應撫字移河流迴駐馬嶽色吐塞惟一變
加齊易三年報魯遲向間庶吏節實恐動人知

送萬比部章甫兵備雲南十六韻

時有元
江之役

籍甚衡湘譽曹推法吏先馮唐難計秩荀羨始過年喜
識皇封大恭承間命專西南漢君長靡莫禹山川五尺
疑無地千盤忽有天箐陰連晝合花暖四時偏暮雨辭
歸鴈春雲落站鳶魁編分躋國輦輅啟熊阡節制非今
少跳梁自古然楚氛開斧鉞巴雪引戈船計密韜鈴裏

炎驅羽扇前深恩羊帥並高諭馬卿傳織罷供夷稅銷
兵墾竿田俱論碧雞祀重奏白狼篇援柱威終復凌刀
位必遷所餘岐路感揮手灞陵烟

送李負外實夫

躍馬河梁畔殷勤更一卮荒城寒自入游子暮何之憶
昔含香省逢君解珮時久將沅譽汰偏引寸心私睥睨
迴青眼吹噓念色絲推年難汝弟問字亦吾師調笑更
相折疎狂醉不辭金蘭餘繾綣玉樹迫參差飛蓋驕頻

擁離歌杳莫追霜天涿鹿野使者鷓鴣司北走龍沙徧
南歸鴈候移星辰搖鼓角寓宇挿旌麾有疏堪流涕無
人可察眉好乘秋令返未許晝游遲

春日言懷

萬象乾坤裏春光各競探醉鄉難久托愁日漸誰貪心
事聲名淺年光案牘諳鬢毛新薊北骨肉老江南末路
驅鞭甚凡才鬪穴酣太空高鶴雀幽谷小梗柎脈脈將
何辨恢恢且共涵饑憑方朔飽苦任子雲甘縱逐時趨

倦終歸世棄孰不堪應但七當黜或過三衆自淮陽薄
吾猶漢署慙詰朝如賜履隨地足停驂

為謝山人贈顧季狂

游客爭歸趙虞卿亦見尋立談雙白壁笑却千黃金解
道國恩重誰同交誼深崎嶇依一老沆落見餘心擊筑
無燕市悲歌有越吟揖予還拂袖碣石暮雲沈

送方承天禹績

向來龍起處曾此更鳴鑿父老十年復君王三日歡蹕

留佳氣滿歌憶大風寒望幸河山切沾恩雨露寬官曹
副司隸宮闕比長安稚子車前擁中涓柱後彈聲名方
叔並詞賦郢人看莫作南陽對君今治豈難

送凌雲鵠諫議之南京兆

左掖梧桐色清陰自宛然龍鱗明主易雞舌近臣偏高
議留青瑣殿懷盡綺筵橫金茲日貴倚玉異時緣暖眼
名流外降心拙宦前狂歌動星象高會失風烟骨肉悲
歡共襟期笑語傳應門邀緩帶歸馬熟停鞭偃蹇忘賓

事崢嶸競酒權但知頻樂聖寧解羨登僊離畢商秋月
懸參北斗天雲低石頭柿花簇大江船河尹官曹副丹
陽郡國先關山王者氣宮闕帝京篇塵尾輕劉悛刀環
識呂虔二難知並美三樂問俱全蛙黽甘留滯鷓鴣惜
翥騫趙張賢不數嵇阮意誰宣海內兵為日吾儕醉是
年漸憐飛蓋小徒倚閨風巔

于鱗夜坐小酌因懷茂秦

稚子頻辭客君來未掩扉濁醪均妙理燕坐對忘機遠

樹河流接踈花露色歸事違心獨賞名近句還非瀕洞
時才足踈狂我輩稀祇憐月如練不見謝玄暉

東郊

東郊不忍駐歸馬叩柴關春或留天上愁應滿世間酒
尊憑破涕朝事總銷顏黃髮誇能老青雲恐失還檀兮
虛坎坎桑者自閒閒何日乘新雨扶犁有故山

久病奉簡曹中諸公

千門動寒色大樹莽蕭蕭日落中涓馬霜歸散騎貂漸

諳高枕趣不畏簡書招態向人間減吟滋病後驕此身
難自擲微祿仗君消滿百如相譴抽簪有聖朝

明卿過子相邀予以召客不赴聞二子有作賦此
淄淄春雲暗霏霏凍雪開故人何玉倚中夜自珠來氣
角千人廢雄爭萬古迴縱橫甘汝輩酬酢強吾才世態
頻攻懶鄉書未撥衰避名將罷詠仇病併辭杯咫尺乾
坤妬浮生日月催不禁飛動色清漏坐徘徊

李水部父母

地有龐公隱賢其德曜倫耦耕秋雨外舉柴楚江濱志
已傳經遂思方賜帛均肉分大官臘酒割上林春翟第
魚軒貴宮袍鷺錦新巫雲助眉宇湘雪鬪風神三婦調
絃好諸孫戲蠟頻當筵奏郢曲上客是秦人湯沐偏南
紀衣冠更北辰彭年衆所頌吾意在莊椿

送萬貲外仲兵備廣東

向來明月壁曾倚白雲司年事吾堪後風裁汝更宜扶
搖催撤捩留滯奪委蛇嶺海誰千騎烟霄暫一麾繡衣

花暝失銅柱瘴天垂羽檄年年是韜鈴處處疑肉飛甘
跋危藿食浪安危使者蒼梧節樓舡下瀨師五羊摧震
疊萬蜃戢衡睢不必陳魚麗應先問蠱絲青冥直指破
墨吏惠文知得意當如此無煩泣路岐

碧雲寺

峭壁琳宮轉叢篁白日移斲雲探地脉噴雪注天池祇
樹開千臘曇花供六時伏魚驚午襯眠犢起春豳色界
烟霞滿空門歲月私苔陰侵顛肩鳥影散果愚入觀香

時發銓真聽不疑悟來珠炯炯無復叩摩尼

香山寺

聞鐘尋古刹高入白雲層北極諸天擁中原一氣憑攝
衣凌恍忽飛磴插峻嶒不謝菩提樹常明慧遠燈雙星
垂井動片石抱蟾升怒鬣搖風檜殘鱗圻雨藤劫灰曾
鐵馬迷路有金繩忽憶宸游事千林色倍增

經功德廢寺

古寺逢人語宣皇御輦過散香羣帝下迎蹕萬靈呵水

東蟠丹砌虹垂飲碧蘿雕梁扶日月繡障擁山河果失
阿羅漢綠空窳堵波嘶鳴來白馬剝鑿悵青螺賜額苔
全卧殘碑雨自磨稅龍陰吐甲壁剝暮揚戈佛坐狐禪
侶僧房鳥跡多化城歸一劫淨土讓諸魔函舌驚珠梵
泉音想玉珂低昂人代有生滅竟如何

寄贈明卿給事謫江西幕

千秋屈宋後湘水日濺濺間識斯文在粗明大造權扶
搖鵬力重俶儻驥羣先竹箭曾輸楚荷衣乍釋燕老親

誇剪拂賤子奉聯翩執禮家人並論心國士偏崢嶸俱
志毅擺落未忘筌喜奪慈明馭思操晏子鞭瑣垣勞守
黑車馬笑談玄倏忽時謀勝參差帝澤捐公孫寧布被
主父但金錢雞肋移官外龍鱗抗疏前大名人盡敵小
蹶世何憐豈必論株累那能共瓦全一麾踈紫氣萬死
仗青天藥物愁詩癖戈矛與勝緣折腰身併狎抵掌態
逾妍未遠虞翻道仍高賈誼年吳鈞寒自峻郡榻暮虛
懸彭蠡搖坤軸匡廬插斗躔盡收遷地色還賦五君篇

偃蹇漁陽摻飄零蜀國絃為君盡一奏不爾借誰傳泛
任秋濤梗留餘夏澤荃昔賢慚涕淚吾計失留連倘問
歸來事城南二頃田

送吳中丞入為少司徒

尚憶秦廷哭能令漢業昌虎符徵使者龍劔入漁陽戰
伐深推轂從衡易處囊急難心轉赤紆畫鬢先蒼日月
垂南紀風雲護朔方七擒收屬國一戰掃窮荒司馬軍
中拜金魚袋裏裝寧惟剪荆棘且為樹甘棠羽扇妖氛

避穹廬燧色藏春風眠突騎暮雨至降王女釋供邊饑
家餘宿畝糧竭來平準議誰握度支章保障空思尹秋
毫或讓桑主憂偏社稷公望切巖廊餉轉千檣月漕飛
萬庾霜牢盆自商賈鹽鐵有賢良物力江湖細兵需陸
海長察眉難盡淚刺骨未論傷少府征寧緩潢池勢可
當亦知根本計何以報明光

順甫枉書見問久未得答茲因明卿歸成排律一
章寄之

魏子卧成癖貽書僅所親援琴悲可就

除服將

結綬恐難

真紫塞猶驅馬青雲幾釣綸如勞問星使此去有波臣
懶慢功殊效婆娑態轉新雷霆來鼓盪天地走逡巡毀
重寧銷骨譏深或反脣病身時一割迂計日千顰畏路
將延汝微生久悞人後期雖有任遮莫並風塵

永平道中

盧龍左馮翊白馬舊安西浴日滄溟小摧天碣石低虎
沈飛將羽龍出慕容題驅傳令支塞問津卑耳溪荒祠

孤竹並讓國大名齊回首哀兵鏃沾膺愧馬蹄榆關秋
一帶慎莫動征鼙

夏日再宿碧雲寺

春來虎溪笑別爾竟長途初地綠猶在諸天念未孤比
丘驚出定檀越見能呼忍草看如昨靈花問已無歸雲
仍卧榻流水自齋厨病骨蘇金髓塵心冷玉壺暫棲同
怖鴿乞食伴饑烏欲施周顛宅吳中盜一區

擬訪故兵曹段文貴不遂寄此

聞君易水畔日夕理蒿萊自枉踰垣避虛慚訪棹迴十年
追握手一別滯銜杯咄咄書能薄烏烏聽莫哀罷官
吾黨事多難世人才倘問黃金力猶填郭隗臺

賊深矣俞生頗有桑梓之戀胡能北哉恐一旦之
不戒賦此寄懷凡十二韻

之子乏時韻頽然初一丘為玄轉寂寞守黑故夷猶五
嶽無禽向三徑有羊求以茲銜門色坐攝太華秋衣食
疑神隱詩書與卧游何悟欃槍下頓使客星愁鰲簪推

碣石鑿齒啖神州血改勾吳道烽火滄海流匏瓜繫不
食萍梗飄自由恐晚丹青意誰堪玉石謀天目亮懷阻
地肺未云脩寧因貴六尺詎忍棄千秋

阻水高陽夜大風雨

何人為驅魃此夜復愁霖已改江湖象猶酣天地心疾
雷崩坐出飛溜奪簷侵怒挾孤城動哀催萬竅吟扶搖
大鵬翼磊塊巨鰲簪散帙身俱厭扁舟意與深浮生長
道路倦翮未山林所以桓司馬愀然恨陸沈

與故趙使君登定州塔

靈鷲名藩駐神龍法藏蟠絳河滌井榦朱網冒天門象
外僊都廣寰中欲界尊下方自風雨絕頂半乾坤眺擁
千家出歌迎萬鐸喧驅車燕使者題壁趙王孫水合盧
奴樹雲冥鼓子村語來心已淨不必問銷魂

寄俞丈兵使汝成

握手滹沱色相看又轉蓬建牙秋鳥外乘障白雲中手
削三關險身先六郡雄舉軍驕塞月萬馬聽秋風行路

難毋問從軍樂未窮勿投班氏筆留寫漢臣功

真定劉使君子易月夜宴城北池亭觀捕魚

釣渭客寧貴如棠公豈頻水光迴拍檻秋色散驚緡吹
沫星飛動穿深月隱淪生涯捐浩蕩末路赴逡巡雪壓
金盤細霜飛玉筋新異鄉王肅茗南國季鷹蓴爾自烹
鮮理吾何祝網仁風波仍病骨天地漸窮鱗萬事徵漁
父孤懷信校人無煩問濠上莊惠定誰真

秋日過于鱗郡齋分賦十體得高字

不淺停車興寧因戀濁醪客顏迴把袂吾手任持螯十
日布衣飲千秋冠蓋勞北風寒趙瑟明月隱吳刀淮海
身難下乾坤首並搔宦情餘汝在物譽借詩逃一別安
孤枕相知仗二毛白雲空在望誰蓋太行高

謝茂秦盧次梗謁余於魏郡有作

命駕俱千里銜杯問各天文章一言合姓字兩生傳貫
日荆卿七飛霜鄒氏篇壁還新去趙金盡舊游燕偃蹇
中原並縱橫處士偏青雲折筭踞白日助高眠老盡人

間態貧操物外權酒徒吾敢後詞筆爾爭先竹寫淇園
色花吟大陸烟拂衣從此別為約五湖邊

王丞明輔羅倅虞臣邀余天雄郡閣因攜謝盧登

馬

郡閣諸賢在誰堪屐齒高漳流寫衣帶任嶺出秋皂堞
起千家月松迴萬壑濤新篇攜謝眺若士起盧敖羅友
須羊肉王猷似馬曹禮寧緣我設興自任君豪夜色歸
長劔天風佐濁醪詩成誰第一欲解鸕鷀袍

雪中寄張職方莊

飛雪滿天地北風吹向人
遙憐戴逵宅獨命呂安輪
白眼狂相對青山計未貧
肉絲移小部角觥出西秦
獵騎捎生晚胡姬鬪釀新
鳥分瑤管弄花壓酒杯
巡客自呼投轄君能問
漉巾坐明空裏色醉與性
中真大陸搏元氣長歌動
有神莫愁歸路失燈火辨
城闔

答尚書顧公

猶憶尚書履今皇慰老成
拂衣辭白下揮手謝蒼生
略

盡人間事仍探物外情著書窮小酉呼酒頌長庚海內
安車望丘中却杖行風迴萬壑嘯月並五湖明絳縣能

推甲

公年七
十三

中郎舊與名

用顧
雍事

雲霞留物色天地任軍

聲玉案慚難報金丹計已成却憑青鳥使為我問蓬瀛

送吳提學遷廣東叅政

漢家文苑傳早已著吳均誰更兼循吏君無讓古人決
決東海色浩浩廣陵春不必三年報俱稱一變新羊城
縈紫氣象嶺度朱輪月迴珠應復星輝劔有神酬心乍

杯酒揮手遽風塵倘有相思句還從鴈外陳

安東侯警有述

樹影旌旗接濤聲鼓吹兼雨拖殘日脚山割亂雲尖
淮艦雖寬闕齊師未解嚴瘡痍心轉塞骨肉淚頻沾
恩澤詩書負烽烟號令添如何重推轂翻使捷書淹

贈別羅鹿齡

衣裾遼海色樽酒雲門開匹馬故無恙諸侯誰愛才
玉炊何地米金築異時臺縞帶輟將贈荆緹歌始哀
文章

身計失疾病物情催倘有尊鱸興能無共爾回

月夜步西園積雪有述

積霰不知晚洞然澄肺肝冰壺初世外天鏡忽林端一
入清虛府如斟沆瀣餐敲分兔杵細舞散羽衣單東浪
錢唐捲飛花大庾殘銀疑千頃疊玉憶萬枝寒盡吐乾
坤秘平收海岱觀野夫殊未足欲借閨風翰

游靈巖寺十二韻

懶怯靈巖勝鷺看即道傍天垂孤刹出地轉萬峰藏橋

石鯨飛動烟嵐鷲渺茫山形界齊魯榜字接隋唐虎坐
俄拏攫虬潛欲奮揚臘留祇樹色春勒寶花香伏水侵
禪座歸雲護講堂慈篁深歲月忍草足冰霜飽進茵陳
飯眠酣薈蔚房微吟和清磬步屨信迴廊許掾談推解
陶公醉不妨莫疑車馬客爾亦困津梁

再游靈巖寺十二韻

為捨祇園竹名山結願偏登臨恍初地徙倚更諸天不
改芙蓉色微添蘿薜烟松雲移疊嶂花雨助鳴泉芒屨

青從引苔衣碧任穿井猶雙鶴浴瀑似片虹懸磬發僧
歸定燈餘客借傳新茶收月供淨艷割霞眠未叩無生
理聊追有漏緣空聞飛錫杖不見布金田盡劫終成幻
降心返離禪祇應何所住一鉢付流年

立春日戲為梁陳體於青州作

青州青帝鄉春至冠羣方凌霜迴太簇條風鼓少陽冰
寫滹沱色雪厭壽陽粧蠶文初映綠卵色未舒黃鷹目
微迴盼雉乳正羣翔擊鞠諸田族粘屣臨淄倡留髡東

第酒角駟上闌縵繁雄將自始歡愉殊未央毋憂萬疇
瘵左个在明堂

題東溪書屋其人中丞南溪公兄也

微君夙有尚卜築東溪頭人如叔度朗宅比劍中幽地
潤雙珠吐天空一鏡收朝宗竹箭水解凍桃花流初日
綺文悅條風羅帶愁漁家薜荔網浣女木蘭舟柱頰西
山曉濯纓滄渚秋君仍洗頰去仲迺釣磻游雨雪何年
夜能容王子猷

入心口口口口口

余州四部稿

十四

弇州四部稿卷三十一